



Jess Svane, Inatsisartunut ilaasortaq

**Akissut - § 37 naapertorlugu apeqqu 065-2021 Naalakkersuisut
aningaasaqarnermut politikiat il.il. pillugit**

Brevdato: 11-06-2021
Sags nr. 2021 - 10827

Inatsisartut suleriaasianni § 37 naapertorlugu Naalakkersuisut aningaasaqarnermut politikiat il.il. pillugu arlalinnik apeqquteqarputit. Taakku uannut akineqartussanngorlugit innersuunneqarput.

P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

Aallarniutigalugu erseqqissaatigissavara kalaallisuuani apeqqu arfineq pingasuummata, qallunaatuuanilu qulingiluaallutik. Apeqqu nr. 4 kalaallisuuani ilanngunneqarsimangilaq, apeqqu illi akissutinni ilanngunneqarnissaa toqqarsimavara.

**1. Naalakkersuisut akisussaassuilimmik, aningaasaqarnermut
siunnersuisooqatigiit innersuussutaat malillugit aningaasanut inatsisissatut
siunnersuummik sinneqartoortumik saqqummiussinissartik siunnerfigaat?**

Akissut:

Naalakkersuisooqatigiinnissamik isumaqatigiisummi "Nammaqatigiinneq, Patajaassuseq, Siuariartorneq" ersarissumik atuarneqarsinnaasutut, sutigut tamatigut piujuartitsilluni politikeqarnissamik kissaateqarneq Naalakkersuisut toqqammavigaat. Tamanna soorunami aningaasaqarnikkut politikip akisussaassuseqartuunissaanik malitseqarpoq.

Naalakkersuisut aningaasaqarnikkut politikertik aningaasanut inatsisissamut siunnersuut, ingerlatsineq pillugu nalunaarussiaq assigisaallu aqqutigalugit saqqummiuttarpat. Aningaasanut inatsisissamut siunnersuutissaq taamaalilluni Naalakkersuisut politikikkut aningaasaqarnikkullu tulleriiarinerannik ersersitsisuusaaq.

**2. Nunatta karsiata isertitaqarnerunissaa anguniarlugu Naalakkersuisut sunik
siunnerfeqarpat?**

Akissut:

Apeqqu 1-imut akissut innersuussutigineqarpoq.

**3. Nunatsinni isertitatigut naligiinnerunissaq anguniarlugu Naalakkersuisut
inuttut akileraarut qanoq pilersaaruteqarpat? Naalakkersuisut inuttut
akileraarutip qaffannissaanik pilersaaruteqarpat?**

Akissut:

Apeqqu 1-imut akissut innersuussutigineqarpoq.

4. Naalakkersuisut inunnut akileraarutit qaffalersaarpaat?

Akissut:

Naalakkersuisut maanna inunnut akileraarutit nalinginnaasut qaffannissaannut pilersaaruteqanngillat. Tamatuma saniatigut apeqqut 1-imut akissut innersuussutigineqarpoq.

5. Naalakkersuisut aningaasarsiornikkut akisussaassusilimmik, pisuussutit uumaatsut piumaneqaqisut inuiaqatigiinnut iluaqutaanissaat angujumallugu, pilersaarullu ingerlassinnaaqullugu arlaannaanulluunniit attuumassuteqanngittunik immikkullu ilisimasalinnik nalilersuisimanertuut kiisalu aatsitassarsiornermut inatsisip iluani, Greenland Mineralsimik oqaloqatiginissaanut pilersaaruteqarpat?

Akissut:

Apeqqutip uuma akineqarnissaanut Ineqarnermut, Attaveqaqatigiinnermut, Aatsitassanut Naligiissitaanermullu Naalakkersuisumit ilassutissamik pissarsisoqarpoq: "Naalakkersuisut innuttaasunut aningaasaqarnikkut akisussaassuseqartumik soorunami ingerlatsipput.

Greenland Mineralsip Kuannersuarni suliniutaanut atatillugu, taanna Aatsitassanut inatsit kiisalu ingerlatseqatigiiffimmu immikkut atugassarititaasut naapertorlugit suliarineqassaaq. Naalakkersuisut inatsisip atuuttut naapertorlugit sulipput, misissuinissamullu akuersissummi atugassarititaasut malillugit sulipput. Peqatigisaanik Naalakkersuisut inatsisip misissuinissamullu akuersissuttip sinaakkutaanni uranimik piiaanissap – aamma Kuannersuarni suliniummut - pinngitsoortinnissaanut sunik periarfissaqarnera nalilersuleruttorpaat."

6. Naalakkersuisut sooq inuiaqatigiit ernumassutaat aallaaviginiangilaat tusarniaanermi oqaatigineqartut, tassa uran atorniarneqanngimmat kiisalu avatagiisinut innarlitsaaliuinerup sakkortusarnissaanut?

Akissut:

Apeqqutip uuma akineqarnissaanut Ineqarnermut, Attaveqaqatigiinnermut, Aatsitassanut Naligiissitaanermullu Naalakkersuisumit ilassutissamik pissarsisoqarpoq: "Greenland Mineralsip qalluinissamut qinnuteqaataanut atatillugu tamanut ammasumik tusarniaanerup inaarsarneqarnissaa naammassineqarnissaalu Naalakkersuisut peqataaffigissavaat.

Taamaammat Naalakkersuisut tusarniaanermut piffissaliussap sivitsorneqarnissaa aalajangerpaat, taamaalilluni taanna 13. september 2021-p tungaanut ingerlasussanngorlugu, tusarniaallunilu ataatsimiititsinerit sapaatit akunnerisa 34-anni aamma/imaluunniit 35-anni ingerlanneqartussatut pilersaarutigineqarput.

Manna tikillugu tusarniaalluni ataatsimiititsinerit siorasaarinerit pissutigalugit politikerinit peqataaffigineqanngillat. Tamanna Naalakkersuisut aaqikkusuppaat, aatsitassanummi inatsit naapertorlugu tusarniaalluni ataatsimiititsineri politikerinik peqataatitaqarneq pingaaruteqartorujussuartut isigineqarmat.

Taamaammat Naalakkersuisut attuumassuteqartut nammineerlutik tusarniaalluni ataatsimiiitsinernut peqataanissamut innuttaasunillu apeqqutinik pingaarutilinnik, Greenland Mineralsip avatangiisinut sunniutinik (VVM-mik nassuiaat) naliliinermut inuiaqatigiinnilu piujuartitsinermik (VSB-mik nassuiaat) naliliinermut atatillugu qaqitaanik toqqaannartumik oqaloqateqarsinnaaneq periarfissinniarlugu piffissap tusarniaaffiusup sivitsorneqarnissaa kissaatigineqarpoq.

Siuliani apeqqummut 5-imut akissut ilanngullugu innersuussutigineqarpoq.”

7. Naalakkersuisut nunatta aningasarsiornikkut namminiileriartornissaanik eqqarsaateqarneq qimakkartulersimavaat, akerlianik nunanit assigiinnittuniik suliniaqatigiiffiit nunatsinni qanoq inuuneqarnissatsinnik aalajangersuisussanngorlugit?

Akissut:
Naamik.

8. Naalakkersuisut, Narsami immikkut ilisimasalinnik DCE-meersunik pinngortitaleriffimmeersunillu, innuttaasut suliniummut tunngatillugu apeqqutigisinnaasaat akissuteqarfigineqarsinnaaqullugit, Naalagaaffimmi oqartussat peqatigalugit utaqqiisaagallartumik allaffeqartitsisinnaanertik eqqarsaatigisimanerlugu.

Akissut:
Apeqqutip uuma akineqarnissaanut Ineqarnermut, Attaveqaqatigiinnermut, Aatsitassanut Naligiissitaanermullu Naalakkersuisumit ilassutissamik pissarsisoqarpoq: ”Naalakkersuisut Narsarmi DCE-mit Pinngortitaleriffimillu immikkut ilisimasalinnut allaffiugallartussamik pilersitsinissamik pilersaaruteqanngillat. Immikkut ilisimasalik DCE Pinngortitaleriffillu sinnerlugit innuttaasunut ataatsimiiitsinissani peqataassasoq ilimagineqarpoq. Tusarniaanermi periutsit nalinginnaasut innuttaasut allallu isummaminnik, ilisimasaminnik suliniullu pillugu apeqqutiminnik saqqummiussinissaannut qulakkeerinnipput. Apeqqutit saqqummiunneqartullu allat sukumiisumik nalunaarsuineri (hvidbogimi) ingerlatseqatigiiffimmit suliarineqarlutillu akineqassapput. DCE Pinngortitaleriffillu ilisimatuussutsikkut siunnersuisutut attuumassuteqanngitsutut ingerlatseqatigiiffiup akissutaasa naammannerannik nalileeqaataassapput.

Aatsitassanut oqartussat ukiuni kingullerni ingerlaavartumik VVM-imik nassuiaammik oqartussat suliaqarnerannik piffimmi innuttaasunik toqqaannartumik paasissutissiisarput, ilaatigut nunap immikkoortuani paasisitsiniaalluni ataatsimiiitsinertigut oqaloqatigiillunilu ataatsimeeqatigiinnikkut, tassunga qanoq innuttaasut suliami immikkut ilisimasalinnik DCE-meersunit Pinngortitaleriffimmeersunillu attaveqarnissaat ilanngullugu.

Tamatuma saniatigut Greenland Mineralsi suliniutip kingunissai pillugit paasissutissiinissamut pisussaaffeqarput.”

9. Naalakkersuisut, suliniutit nunatsinnut isaatitsissutissat aallartisartut allat nunattalu aningaasaqarneranut inuiaqatigiinnullu iluaqutaasussat unitsissallugit pilersaaruteqarpat?

Akissut:

Nunatsinni isertitaqaataasunik sulianik amerlanerusunik ingerlatsisoqalernissaa Naalakkersuisut kissaatigaat. Isertitali taamaattut aamma iluanaarniaannarnermit allaanerusunik sammiveqartariaqarnerat, soorlu nunatta ataqatigiinneranik uumasoaqassutsikkullu piujuartitsilluni toqqammaveqartariaqarnerat Naalakkersuisut pingaartippaat.

Inussiarnersumik inuulluaqqusillunga


Aasi Chemnitz Narup